



Reykjavík 18.08.2022

Borgarráð Reykjavíkur
Tjarnargötu 11
101 Reykjavík

Hér með sendist útskrift úr gerðabók umhverfis- og skipulagsráðs frá 17. ágúst 2022 varðandi eftirfarandi mál.

Göngugötur, niðurstöður starfshóps og tillaga að samþykkt

Lagt fram bréf umhverfis- og skipulagsráðs, dags. 15. júní 2022 með tillögu að samþykktum fyrir göngugötur í Reykjavík.

Leiðrétt bókun frá fundi umhverfis- og skipulagsráðs 22. júní 2022.

Rétt bókun er: Samþykkt. Vísað til borgarráðs.

Vísað til borgarráðs.

Áheyrnarfulltrúi Flokks fólksins leggur fram svohljóðandi bókun:

Ef horft er á 5. gr. er ekki gengið nógu langt. Íbúar eiga ekki að þurfa að sækja um leyfi fyrir tilfallandi akstri á göngugötu t.d. vegna flutninga eða stærri framkvæmda. Slík umsókn tefur málið og kallar á auka starfskrafta sem kosta.

Þegar talað er um göngugötur má ekki gleyma þeim sem eru fótafúnir eða með skerta hreyfifærni.. Fatlað fólk finnur mikið fyrir því núna að geta ekki lagt bílnum sínum í stæði nálægt verslunum og þjónustu. Ef við horfum t.d. á Laugarveginn, þá er ekki hægt að leggja bíl þar. Sérmerktu stæðin eru í hliðargötum. Leigubílar ættu að geta keyrt göngugötu til að sækja fatlaða einstaklinga. Í þessari bókun er vísað í eftirfarandi umfjöllun í Kjarnanum: <https://kjarninn.is/skodun/laerdu-a-thetta/>

Áheyrnarfulltrúi Sósíalistaflokks Íslands leggur fram svohljóðandi bókun:

Í 6. grein samþykktarinnar stendur að það megi hafa viðburði án tónlistar á göngugötum og það þá einungis í klukkustund á sama staðnum. Eftir það megi listamaður ekki halda viðburð nema vera búinn að færa sig um 50 metra. Þetta eru of þröng skilyrði sem er verið að setja fólki. Listafólk má ekki spila tónlist samkvæmt þessu og tjá þannig list sína án þess að sækja um leyfi hjá borginni. Þetta stuðlar ekki að lifandi og spennandi list á göngugötunum og hamlar þeirri tjáningu of mikið. Það að mega ekki vera með viðburð lengur en í klukkustund hamlar því líka að fólk hafi fyrir því að sýna verk sín og leyfa gestum að njóta menningarinnar sem gæti þrífist á göngugötunni.

Kl. 9:08 tekur Hildur Björnsdóttir sæti á fundinum.

F.h. umhverfis- og skipulagssviðs

Glóey Helgudóttir Finnsdóttir

Fylgiskjal: bréf umhverfis- og skipulagsráðs, dags. 15. júní 2022.

Umhverfis- og skipulagsráð
Borgartún 12-14
105 Reykjavík

Göngugötur, niðurstöður starfshóps og tillaga að samþykkt

Lagt er til að umhverfis- og skipulagsráð samþykki meðfylgjandi tillögu að samþykkt fyrir göngugötur í Reykjavík.

Greinargerð:

Með erindisbréfi dags. 22. febrúar 2021 skipaði sviðsstjóri umhverfis- og skipulagssviðs starfshóp um samþykkt um göngugötur. Hlutverk hópsins var að gera tillögu að samþykkt um göngugötur sem lög yrði fyrir skipulags- og samgönguráð (nú umhverfis- og skipulagsráð) og til samþykktar í borgarráði.

Í hópinn voru skipuð:

- Edda Ívarsdóttir, formaður, skrifstofu samgöngustjóra og borgarhönnunar
- Arnar Þór Hjaltested, skrifstofu reksturs og umhirðu borgarlands
- Hafsteinn Viktorsson, skrifstofu reksturs og umhirðu borgarlands
- Guðbjörg Lilja Erlendsdóttir, skrifstofu samgöngustjóra og borgarhönnunar
- Rebekka Guðmundsdóttir, skrifstofu samgöngustjóra og borgarhönnunar
- Erla Bjarný Jónsdóttir, skrifstofu sviðsstjóra
- Vigdís Þóra Sigfúsdóttir, skrifstofu sviðsstjóra

Verkefnisstjóri hópsins var Guðmundur B. Guðmundsson, skrifstofu samgöngustjóra og borgarhönnunar.

Starfshópurinn lauk störfum í lok árs 2021. Útbúin voru meðfylgjandi drög að samþykkt fyrir göngugötur ásamt hagsmunaaðilagreiningu. Hagsmunaaðilagreiningin var uppfærð í apríl 2022. Tillögur hópsins hafa verið rýndar af fulltrúum menningar- og ferðamálasviðs, skrifstofu reksturs og umhirðu, embættis skipulagsfulltrúa og Bílastæðasjóðs Reykjavíkur.

Samþykktin gildir um göngugötur í veghaldi Reykjavíkurborgar. Í samþykktinni er fjallað um umferð um göngugötur, vörulosun á göngugötum, leyfi til tilfallandi aksturs á göngugötum, viðburði á göngugötum og ýmis önnur not borgarlands á göngugötusvæðum. Gert er ráð fyrir að flestar framangreindar leyfisveitingar falli innan núverandi verkswiðs skrifstofu reksturs og umhirðu.

Í samþykktinni er jafnframt fjallað um svokölluð göngugötukort, í samræmi við 2. mgr. 10. gr. umferðarlaga nr. 77/2019, sbr. b. lið 3. gr. breytingarlaga nr. 39/2021. Hljóti fyrirbyggjandi drög samþykki borgarráðs, þarf að fela einhverri skrifstofu umhverfis- og skipulagssviðs að sjá um útgáfu göngugötukortanna. Til bráðabirgða er lagt til að deild borgarhönnunar, undir skrifstofu



Samgöngustjóra og borgarhönnunar, muni sjá um útgáfu kortanna, þar til verkefninu er fundinn varanlegur staður innan sviðsins.

Af hálfu hópsins eru ekki lagðar til breytingar á öðrum samþykktum eða reglum borgarinnar. Þó er vakin sérstök athygli á, að frá því að gildandi reglur afnot af borgarlandi vegna skilta og útstillinga voru samþykktar, hefur ný samþykkt um skilti í Reykjavík tekið gildi. Hópurinn telur æskilegt að reglurnar og samþykktin verði yfirfarin og tryggt að samræmi sé á milli þeirra, en undirbúningur slíkrar vinnu er hafinn.

Sé tillagan samþykkt eðress óskað að hún sé jafnframt lögð fyrir borgarráð.

Virðingarfyllst,
Guðbjörg Lilja Erlendsdóttir
Starfandi samgöngustjóri
Umhverfis- og skipulagssvið

Hjálagt:

1. Tillaga samþykkt um göngugötur
2. Hagsmunaaðilagreining
3. Erindisbréf starfshóps



Reykjavíkurborg

SAMÞYKKT

UM GÖNGUGÖTUR Í REYKJAVÍK

Kaflí I

1. gr.

Gildissvið

Samþykkt þessi gildir um göngugötur í veghaldi Reykjavíkurborgar .

2. gr.

Umferð vélknúinna ökutækja um göngugötu

Umferð vélknúinna ökutækja um göngugötu er óheimil öðrum en þeim sem er sérstaklega heimilaður akstur samkvæmt 10. gr. umferðarlaga, þjónustubifreiðum á vegum borgarinnar, íbúum og rekstraraðilum með göngugötukort samkvæmt 4. gr. og öðrum aðilum með sérstakt afnotaleyfi borgarinnar samkvæmt 5. gr.

Við akstur um göngugötu skal gæta fullrar varúðar, sýna gangandi vegfaranda sérstaka tillitssemi og víkja fyrir honum. Eigi skal aka hraðar en 10 km/klst. og ef mikil umferð gangandi er um götuna skal leitast við að finna aðra leið. Vélknúnum ökutækjum má ekki leggja í göngugötu nema á merktum stæðum.

3. gr.

Vörulosun

Umferð vélknúinna ökutækja til vörulosunar er heimil á tilgreindum vörulosunartíma á hverjum stað fyrir sig. Taka skal tillit til stærðartakmarkana vélknúinna ökutækja sem í gildi eru á hverjum stað.

Vörulosun sem fer fram án notkunar vélknúinna ökutækja, svo sem með rafknúnum reiðhjólum, rafknúnum trillum eða sambærilegum tækjum er eftir sem áður heimil utan vörulosunartíma.

Við vörulosun skal sýna gangandi vegfarendum tillitssemi, hvort sem notast er við vélknúð ökutæki eða ekki.

4. gr.

Göngugötukort íbúa og rekstraraðila

Íbúar og rekstraraðilar sem samkvæmt gildandi deiliskipulagi eða samþykktum lóðaruppdráttum, þar sem ekki er í gildi skipulag, hafa aðgang að bílastæði á lóð fasteignar sem ekki er aðgengilegt með öðrum hætti en akstri um göngugötu, geta sótt um göngugötukort.

Eingöngu er gefið út eitt göngugötukort fyrir hvert bílastæði sem uppfyllir ofangreind skilyrði. Áður en ekið er um göngugötu skal kortinu komið fyrir með áberandi hætti í eða á ökutæki.

Lögreglu er heimilt að leggja hald á göngugötukort til bráðabirgða ef grunur leikur á um misnotkun þess og skal þá afhenda Reykjavíkurborg kortið. Afturkalla skal kort ef um misnotkun er að ræða.

5. gr.

Leyfi til tilfallandi notkunar á göngugötu

Aðrir íbúar og eða rekstraraðilar við göngugötu og nærliggjandi götur, geta fengið leyfi til tilfallandi aksturs á göngugötu utan vörulosunartíma við sérstakar aðstæður t.a.m. við flutninga eða stærri framkvæmdir.

Við umsókn skal taka fram ástæður þess að ekki sé hægt að nýta skilgreinda vörulosunartíma eða léttari fararmáta samanber 2. mgr. 3. gr. samþykktarinnar.

Kaflí II

6. gr.

Viðburðir á göngugötu

Viðburður á göngugötu má ekki valda ónæði fyrir íbúa eða rekstraraðila né skapa hættu eða hefta umferð eða aðgengi. Viðburður með tónlist skal taka mið af reglugerð um hávaða nr. 724/2008.

Eftirfarandi viðburðir eru heimilaðir á göngugötu án sérstaks leyfis Reykjavíkurborgar :

- a. Viðburður án tónlistar með allt að þremur listamönnum er leyfður alla daga frá kl. 10.00 - 20.00 að því gefnu að listamaður færi sig að minnsta kosti um 50 metra frá fyrri staðsetningu á klukkustundarfresti.
- b. Tónlistarviðburður með allt að fjórum flytjendum er leyfður frá kl. 14.00 - 20.00 á virkum dögum og frá kl. 12.00 - 20.00 á laugardögum og sunnudögum að því gefnu að flytjandi færi sig að minnsta kosti um 50 metra frá fyrri staðsetningu á klukkustundafresti.

Aðrir viðburðir eru háðir afnotaleyfi frá Reykjavíkurborg.

7. gr.

Útveitingar og útstillingar við göngugötu

Rekstraraðili við göngugötu getur fengið leyfi Reykjavíkurborgar til afnota af borgarlandi til útveitinga eða útstillinga fyrir framan rekstur sinn. Ekki skal veita leyfi fyrir afnotum ef þau skerða flæði gangandi vegfarenda eða annarrar umferðar, þar með talið neyðaraksturs, samanber reglur um afnot af borgarlandi vegna útveitinga og reglur um afnot af borgarlandi vegna skilta og útstillinga.

Afnot af borgarlandi til útveitinga skulu eingöngu ná til opnunartíma viðkomandi veitingastaðar, þó aldrei lengur en til klukkan 23.00.

8. gr.

Götu- og torgsala

Öll almenn götu- og torgsala er bönnuð á göngugötum og torgum nema með leyfi Reykjavíkurborgar á úthlutuðu svæði í samræmi við samþykkt um götu og torgsölu í Reykjavík.

9. gr.

Skilti og auglýsingar við göngugötu

Rekstraraðili getur fengið leyfi Reykjavíkurborgar til afnota af borgarlandi fyrir auglýsingar í samræmi við reglur um afnot af borgarlandi vegna skilta og útstillinga. Skilti og auglýsingar skulu vera í samræmi við samþykkt um skilti í Reykjavík.

10. gr.

Lagastoð og gildistaka

Samþykkt þessi, sem sett er samkvæmt heimild í 1. og 2. mgr. 10. gr., 1. mgr. 84. og 2. mgr. 86. gr. umferðarlaga nr. 77/2019, með síðari breytingum, tekur þegar gildi.

Skipulags- og samgönguráð getur kveðið á um önnur sérákvæði fyrir ákveðnar göngugötur, í samræmi við 84. gr. umferðarlaga nr. 77/2019, eftir því sem þurfa þykir og gilda þau þá framar ákvæðum þessarar samþykktar.

**Samþykkt á fundi skipulags- og samgönguráðs þann XX. júní 2022
og á fundi borgarráðs þann XX. júní 2022.**


Svæði 3 - Gatnamót og verslanir

Karaktereinkenni og möguleikar:

- Leikur og list - leiktæki geta verið hefðbundin jafnt sem óhefðbundin
- gjarnan blandað saman listaverkum og leik
- blómaker í fyrrum bílastæðum
- vöruaðkoma greið
- Fjarlægja polla milli akbrautar og gangstéttar til að ýta undir flæði gangandi

Hagsmunaaðilar - Fyrirtæki

- Shop Icelandic
- Mál og Menning
- 66°norður
- Andrá
- Hár kliniken
- Blue lagoon
- Blómasmiðja Ómars



Þjónusta	Heimilisfang
Lundabúð	Laugavegur 18b
Bókabúð / bar	Laugavegur 18
Fataverslun	Laugavegur 17
Fataverslun	Laugavegur 16
Snyrtivöruverslun	Laugavegur 15
Snyrtivöruverslun	Laugavegur 15
Blómabúð	Laugavegur 15



Svæði 4 - Gatnamót/torg og veitingastaðir

Karaktereinkenni og möguleikar:

- Torg matar og lista
- hengja e-ð upp yfir gatnamótin
- Málning til að tengja mismundani fleti
- borð og stólar
- gróður í kerjum

Hagsmunaaðilar - Fyrirtæki

- Tiger
- Gullkúnst Helgu
- Hjarta Reykjavíkur
- Rauðakrossbúð
- Selva
- Tómt (áður Fjallakofinn)
- Ítalía
- Einstök Bar



Þjónusta	Heimilisfang
Smávöru verlsun	Laugavegur 13
Skartgripaverslun	Laugavegur 13
Minjagripaverslun	Laugavegur 12B
Fataverslun	Laugavegur 12B
Veitingastaður	Laugavegur 12
	Laugavegur 11
Veitingastaður	Laugavegur 11
Bar	Laugavegur 10




Svæði 5 - búðir

Karaktereinkenni og möguleikar:

- Búðir
- gróður í kerjum
- Lýsing
- List
- Sól norðamegin,tækifæri
- Taka polla
- Bræða saman mismunandi fleti

Hagsmunaaðilar - Fyrirtæki

- Xmas Shop
- Stefánsbúð /P3
- Yeoman
- Epál
- Sæta húsið
- Ísbar



Þjónusta	Heimilisfang
gjafaverslun	Laugavegur 8
Fataverslun	Laugavegur 7
Fataverslun	Laugavegur 7
Fataverslun	Laugavegur 7
Ísbúð	Laugavegur 6
Bar	Laugavegur 6



Svæði 6 - Torg

Karaktareinkenni og möguleikar:

- Búðir
- gróður í kerjum
- Lýsing
- List
- Sól norðamegin,tækifæri
- Taka polla
- Bræða saman mismunandi fleti

Hagsmunaaðilar - Fyrirtæki

- Whats on
- Vikivaki
- Tómt
- Vietnam Restaurant
- La poblana
- Kofinn
- Mama
- Icemart
- Subway
- Pizza Pasta Deli
- Session
- Vietnam supermarket



Þjónusta	Heimilisfang
Tourist info	Laugavegur 5
Sjoppa	Laugavegur 5
	Laugavegur 4
	Laugavegur 3
veitingastaður	Laugavegur 2
veitingastaður	Laugavegur 2
veitingastaður/bar	Laugavegur 2
veitingastaður	Laugavegur 2
verslun	Laugavegur 1
veitingastaður	Bankastræti 14
veitingastaður	Bankastræti 14
Bar	Bankastræti 14
smávöruverslun	Bankastræti 11



Svæði 7 - Kaffistaðir

Karaktareinkenni og möguleikar:


- Kaffihús og veitingastaðir
- Þrengja svæði við gatnamótin með götugögnum
- bæta við gróðri
- Fleiri staðir að setjast á
- Sól
- Hengja eitthvað upp yfir gatnamótin

Hagsmunaaðilar - Fyrirtæki

- Prikið
-
- Sólin Bistro
- hönnunarbúð
- Kaffitár
- Loft
- Primo
- Bankastræti club



Þjónusta	Heimilisfang
	Bankastræti 11
	Bankastræti 9
Kaffihús/ skemmtistaður	Bankastræti 12
Veitingar/klúbbur	Bankastræti 7a
verslun	Bankastræti 10
Kaffihús	Bankastræti 8
Hostel	Bankastræti 7
Veitingastaður	Þingholtsstræti 1
Klúbbur	Bankastræti 5



Svæði 8 - Neðri Skólavörðustígur

Karaktäreinkenni og möguleikar:

- Kaffihús
- skartgr. verslanir og hönnunarbúðir
- Gróður í stæði
- Hvílustæði
- Láta akstursferil síkksakka milli akreina og stæða

Hagsmunaaðilar - Fyrirtæki

- Metal design
- Eldur ís
- Shex market
- Gallerí Grásteinn
- Hyalin sælkeraverslun
- Nordic store
- Iurie
- 101 Street food



Þjónusta	Heimilisfang
skartgripaverslun	Skólavörðustígur 2
ísbúð /kaffihús	Skólavörðustígur 2
matarmarkaður	Skólavörðustígur 2
Listaverka gallerí	Skólavörðustígur 4
Sælkeraverslun	Skólavörðustígur 4A
gjafaverslun	Skólavörðustígur 1A
Listaverka gallerí	Skólavörðustígur 6
Veitingastaður	Skólavörðustígur 6



Svæði 9 - Efri Skólavörðustígur

Karaktäreinkenni og möguleikar:

- Búa til stopp fyrir þá sem aka niður Skólavörðustíg
- Hlið sem ökumenn veigra sér við að fara gegnum
- Truflun, hlið skilti, fánar, eitthvað til að gefa til kynna að göngugata sé frammundan
- Síkksakka akstursferil milli akreina og stæða
- Hvílustæði norðan megin, akstur sunnumegin
- Listabúðir, skartgripabúðir, kaffihús



Þjónusta	Heimilisfang
skartgripaverslun	Skólavörðustígur 3
Kaffihús	Skólavörðustígur 3A
gallerí	Skólavörðustígur 5
skartgripaverslun	Skólavörðustígur 5
keramik verslun	Skólavörðustígur 5
verslun	Skólavörðustígur 8
veitingastaður	Skólavörðustígur 8
Hársnyrtistofa	Skólavörðustígur 8
skartgripaverslun	Skólavörðustígur 10
kaffihús	Skólavörðustígur 10
verslun	Skólavörðustígur 10
verslun	Bergstaðastræti 4





ERINDISBRÉF

Starfshópur um samþykkt um göngugötur

Ábyrgðarmaður: Ólöf Örvarsdóttir, sviðsstjóri umhverfis- og skipulagssviðs

Inngangur:

Móta þarf reglur varðandi göngugötur fyrir íbúa, rekstraraðila, vörulosunaraðila og gesti göngugatna. Fyrir liggur breytingartillaga að umferðarlögum sem snýr að göngugötum en hún tekur þó ekki á ýmsum sérhæfðari málum sem tengjast göngugötum og þörf er á að leysa, m.a. reglur um aðgengi íbúa og rekstraraðila að baklóðum. Þá er jafnframt þörf á að taka saman gildandi lög og reglur er varða göngugötur, s.s. skilti, merkingar, viðburði, útveitingar, og tónlist á göngugötum. Jafnframt er þörf á að gera tillögur að breytingum eða nánari útfærslu á reglum, s.s. fyrir vörulosun, viðburði, útstillingar og sorphirðu á göngugötum.

Hlutverk:

Hlutverk hópsins er að gera tillögu að samþykkt um göngugötur sem lögð verður fyrir skipulags- og samgönguráð og til samþykktar í borgarráði.

Helstu verkefni/viðfangsefni:

- Hagsmunaaðilagreining
- Samþykkt um göngugötur þar sem a.m.k. koma fram reglur um eftirfarandi:
 - a) vörulosun, bæði íbúa og rekstraraðila
 - b) aðgengi íbúa og rekstraraðila að baklóðum
- Samantekt á gildandi lögum og reglum er varða göngugötur
- Tillögur að breytingum eða nánari útfærslu á reglum er varða göngugötur

Starfshópin skipa:

Edda Ívarsdóttir, formaður, skrifstofu samgöngustjóra og borgarhönnunar
Arnar Þór Hjaltested, skrifstofu reksturs og umhirðu borgarlands
Hafsteinn Viktorsson, skrifstofu reksturs og umhirðu borgarlands
Guðbjörg Lilja Erlendsdóttir, skrifstofu samgöngustjóra og borgarhönnunar
Rebekka Guðmundsdóttir, skrifstofu samgöngustjóra og borgarhönnunar
Erla Bjarný Jónsdóttir, skrifstofu sviðsstjóra
Vigdís Þóra Sigfúsdóttir, skrifstofu sviðsstjóra

Starfsmaður/verkefnisstjóri starfshópsins:

Guðmundur Birkir Guðmundsson

Til ráðgjafar og samstarfs:

Bílastæðasjóður, viðbragðsaðilar, Heilbrigðiseftirlit Reykjavíkur, rekstraraðilar, vörulosunaraðilar, íbúar við göngugötur o.fl.



Reykjavíkurborg
Umhverfis- og skipulagssvið

Starfshópurinn vinni hagsmunaaðilagreiningu sem síðan verður lögð til grundvallar því samráði og samstarfi sem þarf að hafa vegna vinnu hópsins. Starfshópurinn leiti einnig ráðgjafar innan og utan borgarkerfis hjá aðilum með sérþekkingu á viðfangsefninu eftir því sem við á.

Starfstími:

Starfshópur skili tillögu að samþykkt fyrir lok mars 2021.

Reykjavík, 22. febrúar 2021

Ólöf Örvarsdóttir,
sviðsstjóri umhverfis- og skipulagssviðs